

## Freiheitsmarsch 2012

### Mjr. Dr. Lois Taibon, Ladinervertreter, Thema: Ladin



Na parora ince por ladin. A ennom dles compagnies ladines dai scizeri de Ortjei, Selva, Fodom, Anpez, Al Plan y La Pli poi ince iu daidè recordè ensnet, che nos ladins se sontiun ciamò aldedancö pa ches porsones y pa che cultura, con cheres che nüsc peri y nostes omes è corsciüs sö. Soghü, la vita de nüsc antenac` ea na vita plena de fadies y de sacrificzi, ci richezes essay pa ince albü da se goder te nostes valades plenes de tomples ertes y plenes de munts da peres? Mo enpó ea te ei l'amur por nostes families, la fedelté tla heimat y le timur por Chel Bel Dio desco na flama plena de fü.

Y encö? Messunse se lasciè coienè? Messunse se lasciè tratè desche i fossun i maius tamerli? Messasun ince nos fosc se enbaní, ma por i saltè do ai tomps moderns?

Na, adöm dess aldi ci co alda adöm, adöm dess endo roè ci co é corsciü adöm y porchel alzunse düc deboriada encö nosta usc. I damani: can s'a pa le stato talian damanè, sce i oren ste sot a el? Can s'a pa le stato talian damanè, sce i oren ester taliagn? Ciodi ne s'a pa le stato talian mai damanè, sce nos ladins, desco picia mendranza, sun a öna da se lasciè despartí te trei provinces? Can s'al pa el daidè da tignì vis lingaz y tradiziuns? Y spo, can se damanará pa le stato, desche nos la ponsun? De söa bona mai!

Stimades margatenteres, stimes scizeri! Encö alzunse nosta usc y ierun che an se meti averda. Temei ne se messunse da degügn. Nos orun y nos ierun che le dagní röis te nostes mans. Y a chi co comana cösta tera i dijunse, che al é ince ladins iadelá dal confin de nosta provincia co alda pa nos y che nos ladins sun, desco düc i atri, fis de cösta tera co a ennom Tiroil.